

Poziv za studente: Prijavite se za Foodathon 2024!



Jeste li spremni da budete dio nečeg jedinstvenog? Onda se pripremite za nevjerovatnu priliku!

Foodathon je jedinstvena saradnja između [EIT Food](#) i [JA Europe](#), osmišljena da razvije vaše preduzetničke vještine i pomogne vam da oblikujete budućnost hrane. Već četvrtu godinu zaredom, studenti iz Evrope i Afrike učestvuju u ovom uzbudljivom događaju, radeći zajedno na osmišljavanju rješenja za ključne izazove u prehrambenim sistemima.

Foodathon 2024 se održava **online** od **16. oktobra** (Svjetski dan hrane) do **13. novembra 2024. godine** (finalni događaj i ceremonija nagrada).

Napomena: Pravo učešća imaju učenici i studenti **uzrasta od 15 do 20 godina**. **Prijava je grupna** - timovi iz Evrope moraju imati najmanje 3 člana! Rok za prijavu je **27. septembar 2024. godine**. Prijava se vrši putem platforme: [LINK](#).

Nije vam potrebna unaprijed definisana ideja! Nakon registracije, vaša grupa će biti spojena sa timom iz Evrope ili Afrike kako biste formirali snažan međunarodni tim. Zajedno ćete raditi na osmišljavanju jednog poslovnog rješenja za konkretan izazov koji vam bude postavljen. Upravo zbog međunarodne saradnje, sposobnost efikasnog rada i komunikacije na engleskom jeziku predstavlja značajnu prednost za sve učesnike u Foodathonu.

Zahvaljujući organizaciji **Dostignuća mladih u Crnoj Gori**, ovo je idealna prilika za mlade ljude iz Crne Gore da budu dio ovog globalnog događaja i da se povežu sa svojim vršnjacima iz drugih dijelova svijeta, zajedno radeći na rješavanju ključnih problema u prehrambenim sistemima.

Foodathon nije samo takmičenje, već avantura! Tokom događaja, udružićete snage sa studentima iz Evrope i Afrike kako biste radili na praktičnim rješenjima koja mogu poboljšati održivost poljoprivrede, sigurnost hrane i ishranu. Ovo je prilika da postanete dio promjene i da se vaša rješenja čuju!

Važni datumi za Foodathon 2024:

- 27. septembar: Rok za prijavu
- 30. septembar – 9. oktobar: Objavljivanje timova
- 11. oktobar: Uvodna sesija i upoznavanje timova
- 16. oktobar (11:00-12:00 CET): Zvanično otvaranje i predstavljanje izazova
- 17. oktobar (10:30-11:30 CET): Brifing mentora
- 22., 25. i 29. oktobar: Sesije mentorstva (vrijeme će biti potvrđeno)
- 24. oktobar (10:30-11:30 CET): Brifing sudija
- 30. oktobar: Rok za predaju ideje (u video formatu)
- 31. oktobar – 7. novembar: Evaluacija ideja

- 8. novembar (14:30-15:30 CET): Sastanak žirija i potvrda 10 finalista
- 13. novembar: UŽivo prezentacija i objava pobjednika

Ako želite da razvijate svoje vještine, upoznate nove ljude i radite na stvarnim rješenjima za održivu poljoprivredu i prehrambene sisteme, Foodathon je prava prilika za vas! Prijavite se sada, i budite spremni na putovanje koje će promijeniti način na koji razmišljamo o hrani.

Ukoliko ste zainteresovani da uzmete učešće, kontaktirajte nas putem sljedeće email adrese, a mi ćemo pružiti punu podršku tokom cijelog procesa prijave kao i realizacije: dostignuca.mladihcg@gmail.com.

Vaš DMuCG i UDG tim